



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Theologia Moralis**

Antehac Ex Probatis Auctoribus breviter concinnata

**Busenbaum, Hermann**

**Coloniae Agrippinae, 1713**

Q. 70. Quid circa benedictiones & ritus manuum.

**urn:nbn:de:hbz:466:1-42624**

Q. 70. Quid notandum sit circa benedictiones & virtus manuum. R. Seqq. §. 1. Benedictiones aliæ sunt cōsecratiuæ, uti illa, quæ benedicatur aqua: Aliæ invocatiuæ, uti si Pater benedicat Filio: Aliæ tantum significatiuæ, & tales sunt illæ, quas Sacerdos facit super species consecratas, significant enim Christum, qui ibi continetur, esse omnis benedictionis authorem.

485.

§. 2. Manus post consecrationem semper tenendæ sunt supra Corporale, aut deponuntur in illo; ante consecrationem autem ponuntur super altare, proximè ad Corporale.

486.

§. 3. Qui utuntur ritu Ambrosiano, Dominicanorum vel Franciscanorum, post elevationem extendunt brachia in crucem: Reliqui eo ritu non utentes nunquam manus extendunt ultra latitudinem corporis sive casulæ, quia non debent posse videri ab eo, qui esset directè post tergum Sacerdotis: Junctæ autem ita teneri debent, ut digiti altum respiciant.

487.

§. 4. Manus prius elevatæ junguntur ad Gloria in excelsis, Credo, Veni sanctificator, Sursum corda, & Gratias agamus, in Præfatione. Ad initium Canonis, Te igitur. Ad utrumque Memento. Ad benedictionem populi, Benedicat vos. Sine elevatione junguntur, quoties dicit, Oremus: quando ad populum dicit, Dominus vobiscum & Orate Fratres: Ad Sanctus in fine Præfationis: Post consecrationem, quando dicit, De his donis: Ad Supplices te rogamus: Ad Sacrosanctum Filii tui Corpus: Post orationes, quando dicit, Per Dominum nostrum, vel Per Christum: Si autem oratio claudatur per, Qui vivis vel vivit, jungit manus, cum dicit, In unitate Spiritus &c.

488.

§. 5. Manus junctas super altare tenet, postquam

489.

quam ascendit & dicit, *Oramus te Domine per merita: Ad in spiritu humilitatis & Suscipe S. Trinitas: Ad initium Canonis, Supplices te rogamus: Ad orationes ante communionem: Ad placeat tibi S. Trinitas.* Manus extensas super altare ponit, quoties osculatur altare: *Ad Per omnia secula seculorum ante Præfationem & Pater noster: Si legens Epistolam non applicet manus libro.*

490. §. 6. Quando dextrâ signat aliquid in altari, tum ponit sinistram super altare: Si autem se ipsum vel alios signet admoveat suo pectori, ut etiam ad *Mra culpa in Confiteor.* Quando autem sinistram movet aut vertit librum, deponit dextram in altari.

491. §. 7. Cruces in Missa non fiunt manu plicatâ vel inflexâ sed rectâ & digitis conjunctis, S. Congreg. 4. Aug. 1663. Et formantur cruces, non signando manu quatuor quasi puncta in aëre, nec manu ductâ in circulum, sed per duas lineas, alteram rectam versûs Sacerdotem, alteram diametraliter transversam. Quæ super calicem fiunt, non excedunt pallæ magnitudinem; quæ autem fiunt super calicem & hostiam, simul incipi debent à labio extremo calicis usque ad spatium imminens primæ parti hostiæ versûs Sacerdotem, non debet tamen manus deprimi ad hostiam, sed rectâ trahitur hæc crux æqualiter altè super calicem & hostiam.

492. §. 8. Quando sub Canone ad *Hanc igitur oblationem* palmæ apertæ super oblata extenduntur, aliqui cum *Lohner* tenent pollices infra palmas, alii cum *Gav. Quarti, Diana* p. 3. t. 6. R. 104. ponunt supra palmas in formam crucis, dextero super sinistram posito, & hoc dicunt decisum esse à S. Congregatione.

§. 9.

§. 9. Dum elevatur hostia, pollices, indices & musculi manuum junguntur, ut firmitus teneatur hostia, tres autem ultimi digiti extensi adinvicem junguntur. 493.

§. 10. Quando Sacerdos post consecrationem ante communionem percutit pectus, facit hoc tribus tantum digitis ultimis dextræ, quia pollex & index non debent post consecrationem tangere casulam, Cav. 494.

Q. 71. Quid notandum sit circa ritus oculorum. 495.  
R. Seqq. §. 1. Oculi elevantur ad *Munda cor meum, Veni sanctificator*, ad oblationem hostiæ & calicis, sed offerens hostiam statim iterum deprimit in hostiam, offerens autem calicem tenet elevatos. Item elevantur oculi ad *Suscipe S. Trinitas, Te igitur clementissime, Gratias agamus*, dum dicit, *Deo nostro, Qui pridie*, dum dicit, *Elevatis oculis*: Quando hostiam & calicem elevat, hæc enim respicit, donec deponat. In fine ad *Benedicat vos Omnipotens*.

§. 2. Oculos demissos tenet, dum accedit vel recedit ab altari: Quandoque se vertit ad populum: Sub utroque *Memento*: Post consecrationem plerumque conjiciuntur in hostiam, nisi occupentur in legendo. 496.

Q. 72. Quid observandum sit circa Missas votivas. R. Seqq. §. 1. Missa votiva est, quæ ex voto seu arbitrio Sacerdotis legitur præter directionem Rubricæ, & discrepanter ab Officio: Licitæ est autem votiva, si ad sit rationabilis causa, alioquin non est temerè recedendum à Rubricâ & usu communi. 497.

§. 2. Prohibentur votivæ, 1. diebus Dominicis & festis duplicibus, nisi sint ad libitum, tum enim licent, quia privilegium orandi Officium 498.

cium